



Seance's Plenare



REPUBLIKA E SHQIPËRISË
KËSHILLI I MINISTRAVE



AKT NORMATIV

Nr. 5, datë 19.12.2024

PËR

DISA NDRYSHIME DHE SHTESA NË LIGJIN NR.97/2023, “PËR BUXHETIN E VITIT 2024”, TË NDRYSHUAR

Në mbështetje të nenit 101 të Kushtetutës, me propozimin e ministrit të Financave, Këshilli i Ministrave

V E N D O S I:

Në ligjin nr.97/2023, “Për buxhetin e vitit 2024”, të ndryshuar, bëhen këto ndryshime dhe shtesa:

Neni 1

Nenet 2, 3 dhe 4 ndryshohen, si më poshtë vijon:

“Neni 2

Buxheti i shtetit për vitin 2024 është:

Të ardhurat	515 390	milione lekë;
Shpenzimet	572 670	milione lekë;
Deficiti	57 280	milione lekë.

Neni 3

Buxheti vendor për vitin 2024 është:

Të ardhurat nga të cilat:	82 750	milione lekë,
- transferta e pakushtëzuar e përgjithshme	25 773	milione lekë;
- transferta e pakushtëzuar sektoriale	11 115	milione lekë;
- transferta sektoriale për pagat	1 500	milione lekë;
- të ardhura të tjera	44 362	milione lekë;

Shpenzimet 82 750 milionë lekë.

Neni 4

Buxheti i sigurimeve shoqërore për vitin 2024 është:

1. Sigurimi i detyrueshëm, programet kompensuese dhe trajtimet e veçanta.

Të ardhurat, gjithsej nga të cilat:	169 658	milionë lekë,
- kontributet	134 059	milionë lekë;
- transferimet nga buxheti i shtetit	35 599	milionë lekë;
Shpenzimet	169 658	milionë lekë.

Paga minimale, për efekt të pagesës së kontributit të sigurimeve shoqërore dhe shëndetësore, është e barabartë me pagën minimale në shkallë vendi dhe ndryshon sa herë që ndryshon kjo pagë. Këshilli i Ministrave përcakton masën e kontributit për personat e vetëpunësuar në bujqësi, si dhe për kategoritë e veçanta të personave të vetëpunësuar. Për vitin 2024, teprica ndërmjet të ardhurave dhe shpenzimeve, sipas degëve dhe programeve të sigurimit shoqëror të detyrueshëm e suplementar, përdoret për mbulimin e deficitit të degës së pensioneve.

2. Sigurimi suplementar

Të ardhurat, gjithsej nga të cilat:	7 600	milionë lekë,
- kontributet	3 308	milionë lekë;
- transferimet nga buxheti i shtetit	4 292	milionë lekë;
Shpenzimet	7 600	milionë lekë.

3. Fondi për indeksimin e pensioneve është 1 693 milionë lekë dhe bonusi i pensionistëve, 9 874 milionë lekë. Ky fond ndahet midis skemave sipas përcaktimeve në vendimin e Këshillit të Ministrave.

Përdorimi i këtij fondi bëhet sipas përcaktimeve në nenin 61, të ligjit nr.7703, datë 11.5.1993, "Për sigurimet shoqërore në Republikën e Shqipërisë", të ndryshuar. Shpenzimet administrative, si pjesë e shpenzimeve totale për skemën e sigurimeve shoqërore, janë jo më shumë se 3 700 milionë lekë dhe ndahen sipas skemave në proporcion me shpenzimet e drejtpërdrejta.

Rezultati pozitiv në fund të vitit buxhetor derdhet në të ardhurat e buxhetit të shtetit të vitit pasardhës, pas miratimit të pasqyrave financiare, por jo më vonë se muaji prill 2024.”.

Neni 2

Në nenin 5, pas pikës 1 shtohet pika 2, me këtë përmbajtje:

“2. Fondi për rimbursimin e medikamenteve nuk e tejkalon tavanin prej 12 000 milionë lekësh. Fondi për shërbimin spitalor detajohet dhe përdoret me vendim të Këshillit të Ministrave.”.

Neni 3

Neni 9 ndryshohet, si më poshtë vijon:

“Neni 9

Të ardhurat e buxhetit të shtetit sipas grupeve kryesore janë:

Grantet	13 757	milionë lekë;
Të ardhurat tatimore	459 221	milionë lekë;
Të ardhurat jotatimore	42 412	milionë lekë.

Nga fondi i papërdorur i shpronësimeve në llogarinë e Bankës së Shqipërisë, shuma prej 8 000 milionë lekësh derdhet në buxhet si e ardhur jotatimore.”.

Neni 4

Pika 2, e nenit 10, ndryshohet, si më poshtë vijon:

“2. Vlera indikative e financimit nëpërmjet huamarrjes neto nga burime të huaja është rreth (minus) 12 547 milionë lekë, ku përfshihen huamarrjet dhe ripagesat me vlera të përafërta indikative, si më poshtë vijon:

- Huamarrje afatgjatë e destinuar për projekte, me vlerë rreth 17 600 milionë lekë, nga të cilat nënhua për pushtetin vendor 570 milionë lekë;
- Huamarrje në formën e “mbështetjes buxhetore” nga institucione financiare ndërkombëtare, me vlerë rreth 15 232 milionë lekë;
- Ripagesa të principalit, me vlerë rreth 45 379 milionë lekë.”.

Neni 5

Në nenin 11 bëhen ndryshimet e mëposhtme:

1. Pika 1 ndryshohet, si më poshtë vijon:

“1. Shpenzimet e buxhetit të shtetit, sipas grupeve kryesore, janë:

- Shpenzime të buxhetit qendror	553 000	milione lekë;
- Fondi rezervë i buxhetit	3 250	milione lekë;
- Kontingjenca për rritjen e pagave	11 000	milione lekë;
- Kontingjenca për risqet e borxhit	5 420	milione lekë.”.

2. Në pikën 6, shuma “100 milionë lekë” zëvendësohet me “40 milionë lekë”.

3. Pika 7 ndryshohet, si më poshtë vijon:

“7. Fondi deri në 600 milionë lekë në zërin “shpenzime kapitale” në programin “Menaxhimi i infrastrukturës së kullimit dhe ujitjes” të Ministrisë së Bujqësisë dhe Zhvillimit Rural akordohet me vendim të Këshillit të Ministrave për financimin e objekteve, pajisjeve dhe makinerive të infrastrukturës së ujitjes dhe kullimit, si dhe veprave të mbrojtjes nga përmbytja për bashkitë, duke u financuar në vlerën e plotë në vitet e ardhshme buxhetore 2025-2026.

Fondi deri në 500 milionë lekë, akorduar në programin buxhetor “Zhvillimi rural duke mbështetur prodhimin bujqësor, blegtoral, agroindustrinë dhe marketingun” përdoret për skemën e mbështetjes me grante për investime në ferma në vlerën e plotë prej 1500 milionë lekësh, që financohet deri në vitin 2025.”.

4. Pas pikës 8 shtohen pikat 9, 10, 11, 12, 13 dhe 14, me këtë përmbajtje:

“9. Krijohet llogaria e mbështetjes për pensionistët në Bankën e Shqipërisë. Llogaria përdoret me vendime të Këshillit të Ministrave. Rregullat dhe procedurat e mbajtjes, përdorimit dhe raportimit të kësaj llogarie përcaktohen me udhëzim të ministrit përgjegjës për financat.

Për vitin 2024, fondi prej 6 300 milionë lekësh kalon në këtë llogari dhe përdoret sipas përcaktimeve me vendim të Këshillit të Ministrave.

10. Fondi prej 520 milionë lekësh, i detajuar për çdo institucion mbi fondet e parashikuara për këto institucione në tabelën 1 bashkëlidhur këtij ligji, përdoret për pagesën (këstin) e fundit të diferencës së pagës së magjistratit nga 1 janari 2019 e në vazhdim, sipas arsytimit të bërë nga Gjykata Kushtetuese në vendimin nr.35, datë 22.11.2022. Detajimi i këtij fondi në artikuj buxhetorë bëhet nga vetë institucionet, referuar aneksit nr.9, bashkëlidhur këtij ligji, dhe ekzekutohet deri më 31 janar 2025.

Fondi prej 68 milionë lekësh, shtuar në shpenzimet korente të programit buxhetor “Veprimtaria e rivlerësimit kalimtar të magjistratit”, në masën 47 milionë lekë, dhe të programit buxhetor “Veprimtaria e komisionerit publik”, në masën 21 milionë lekë, përdoret për shlyerjen e detyrimeve për pagesën e punonjësve për muajin dhjetor 2024 dhe për shpërblimin për vjetërsi në punë, si rrjedhojë e mbylljes së institucioneve: Komisioni i Pavarur i Kualifikimit dhe Komisionerët Publikë. Ekzekutimi i detyrimeve tatimore dhe i kontributeve të sigurimeve për pagesat e muajit dhjetor 2024 kryhet deri më 15 janar 2025.

11. Fondi prej 2 167 milionë lekësh përdoret për mbështetjen e shtresave në nevojë nga ministria përgjegjëse për çështjet sociale, sipas përcaktimeve të miratuara me vendim të Këshillit të Ministrave.
12. Fondi prej 2 000 milionë lekësh në programin “Planifikim, menaxhim, administrim” i ministrisë përgjegjëse për zhvillimin ekonomik i transferohet shoqërisë “Albcontrol, sh.a.”, si mbështetje financiare në formën e huas.
13. Fondi prej 300 milionë lekësh në programin “Zhvillimi i sportit” i ministrisë përgjegjëse për sportin përdoret, si më poshtë vijon:
 - a) 200 milionë lekë për KOKSH-in për projektin “Ekipet sportive në shkolla” dhe për aktivitete në kuadër të ndërkombëtarizimit të sporteve, sipas rregullave dhe procedurave të përcaktuara me vendim të Këshillit të Ministrave;
 - b) 100 milionë lekë për organizimin e aktivitetit ndërkombëtar “*Giro d’Italia*”. Ngritja e grupit ndërinstitucional për negociimin dhe nënshkrimin e kontratës për realizimin e tri tureve të para të “*Giro d’Italia*”, rregullat dhe procedurat për përdorimin e fondeve, si dhe mënyrën e pagesës përcaktohen me vendim të Këshillit të Ministrave.
14. Fondi prej 240 milionë lekësh në programin 01120 “Mbështetje diplomatike jashtë shtetit” i Ministrisë për Evropën dhe Punët e Jashtme përdoret për blerjen e selisë së misionit diplomatik të Shqipërisë në Bashkimin Evropian, në Bruksel, sipas rregullave dhe procedurave të përcaktuara me vendim të Këshillit të Ministrave.

Fondi prej 1 577,4 milionë lekësh në programin “Ekzekutimi i pagesave të ndryshme”, i Ministrisë së Financave, i transferohet Agjencisë Shtetërore të Kadastrës për të financuar projektet: “Digjitalizimi i të dhënave kadastrale të pasurive të paluajtshme” dhe “Regjistrimi fillestar i zonave kadastrale.”.

5. Tabelat 1 dhe 4, që përmenden në këtë nen, zëvendësohen me tabelat me të njëjtin numër, që i bashkëlidhen këtij akti normativ.
6. Bashkëlidhur ligjit shtohet aneksi nr.9, “Diferenca e pagës së magistratëve”, që përmendet në këtë nen dhe i bashkëlidhet këtij akti normativ.

Neni 6

Në pikën 4, të nenit 12, bëhen këto ndryshime:

1. Në fjalinë e parë, fondi i veçantë i institucioneve buxhetore ndryshohet dhe bëhet 520 milionë lekë.
2. Në fund të pikës shtohet fjalia me këtë përmbajtje:

“Fondi prej 120 milionë lekësh përdoret si ndihmë e menjëhershme financiare për punonjësit e institucioneve buxhetore, sipas përcaktimeve të miratuara me vendim të Këshillit të Ministrave.”.

Neni 7

Në pikën 1, të nenit 14, fondi rezervë bëhet 3 250 milionë lekë.

Neni 8

Në nenin 15 bëhen ndryshimet e mëposhtme:

1. Në pikën 9, shifra “200 milionë lekë” zëvendësohet me “60 milionë lekë”.
2. Pas pikës 11 shtohen pikat 12 dhe 13, me këtë përmbajtje:

“12. Fondi prej 1 430 milionë lekësh shpërndahet ndërmjet bashkive në bazë të kriterëve të formulës së përdorur për shpërndarjen e transfertës së pakushtëzuar të përgjithshme për vitin 2024. Kjo transfertë, në radhë të parë, përdoret për shlyerjen e detyrimeve të prapambetura dhe, pasi të jenë shlyer këto detyrime, përdoret për shpenzime të tjera. Kjo transfertë nuk përdoret për shpenzimet e rindërtimit.

13. Fondi prej 173 385 mijë lekësh akordohet si transfertë e pakushtëzuar sektoriale për bashkitë për “Rivitalizimin e tregjeve tradicionale.”.

3. Tabela 3, që përmendet në këtë nen, zëvendësohet me tabelën me të njëjtin numër, që i bashkëlidhet këtij akti normativ.

Neni 9

Ky akt normativ hyn në fuqi menjëherë dhe botohet në "Fletoren zyrtare".

KRYEMINISTRI

EDI RAMA

Në mungesë dhe me porosi

ZËVENDËSKRYEMINISTRI

BELINDA BALLUKU

MINISTRI I FINANCAVE

PETRIT MALAJ